

Broj: UP I 05/2-23-11-96/19  
Sarajevo, 11. 09. 2019. godine

J.P. „DEPONIJA“ d.o.o. MOSTAR  
Vrapčići bb  
88 113 MOSTAR

Federalna uprava za inspekcijske  
poslove  
Fehima ef. Ćurčića br. 6  
71 000 SARAJEVO

Grad Mostar  
Hrvatskih branitelja br.2  
88 000 Mostar

Ministarstvo graditeljstva i prostornog  
uređenja HNK  
Stjepana Radića 3  
88000 Mostar

Ministarstvo trgovine turizma i zaštite  
okoliša HNK  
Braće Fejića bb  
88000 Mostar

Federalno ministarstvo poljoprivrede,  
vodoprivrede i šumarstva  
Hamdije Čemerlića 2  
71 000 Sarajevo

Mjesna zajednica Vrapčići  
Vrapčići bb  
88 000 Mostar

**Predmet:** Rješenje o odbacivanju zahtjeva za izdavanje okolišne dozvole  
- dostavlja se -

U prilogu vam dostavljamo Rješenje o odbacivanju zahtjeva za ponovno izdavanje okolišne dozvole J.P. Deponija d.o.o. Mostar za aktivnosti deponiranja krutog komunalnog otpada i njegovo zbrinjavanje na lokalitetu Buđevci, Gornji Vrapčići bb, Grad Mostar zbog značajnih izmjena u radu pogona i postrojenja podložnih procjeni uticaja na okoliš u skladu sa Zakonom o zaštiti okoliša ("Službene novine Federacije BiH"; broj: 33/03 i 38/09).

JP Deponija d.o.o. Mostar može podnijeti novi zahtjev za izdavanje okolišne dozvole u skladu sa čl. 56. (čl. 20.) čl. 54a (čl. 18.) Zakona o zaštiti okoliša ("Službene novine Federacije BiH", broj: 33/03 i 38/09).

Dostaviti:

- naslovu
- dokumentaciji
- arhivi



Broj: UP I 05/2-23-11-96/19  
Sarajevo, 11. 09. 2019. godine

Federalno ministarstvo okoliša i turizma rješavajući po zahtjevu operatora J.P. Deponija d.o.o Mostar za izdavanje okolinske dozvole za regionalnu deponiju krutog komunalnog otpada na lokalitetu Uborak - Buđevci, Gornji Vrapčići bb, Grad Mostar, temeljem 56., 68. i 86. Zakona o zaštiti okoliša ("Službene novine Federacije BiH", broj: 33/03 i 38/09), čl. 19. i 20. Zakona o upravljanju otpadom ("Službene novine Federacije BiH" broj: 33/03 i 72/09 i 97/17), i čl. 200. Zakona o upravnom postupku ("Službene novine Federacije BiH", broj: 2/98 i 48/99), *d o n o s i*:

## RJEŠENJE

Odbacuje se zahtjev za ponovno izdavanje okolišne dozvole J.P. Deponija d.o.o Mostar za aktivnosti deponiranja krutog komunalnog otpada i njegovo zbrinjavanje na lokalitetu Buđevci, Gornji Vrapčići bb, Grad Mostar zbog značajnih izmjena u radu pogona i postrojenja podložnih procjeni uticaja na okoliš u skladu sa čl. 56. Zakona o zaštiti okoliša ("Službene novine Federacije BiH"; broj: 33/03 i 38/09), koje nisu bile predmetom izdavanja okolišne dozvole od 17. 09. 2014. godine.

## Obrazloženje

Operator J.P. Deponija d.o.o. Mostar je dana 13.5.2019. godine je podnijelo zahtjev za ponovno izdavanje okolišne dozvole za aktivnosti zbrinjavanja krutog komunalnog otpada na regionalnoj deponiji na lokalitetu Buđevca, Gornji Vrapčići bb, Grad Mostar za plovu 2.1 ha na koju se više ne deponuje otpad na zemljištu označenom kao k.č. 689/141, 689/139 (696/1, 698/3, 706, 705, 700/3, 703/3, 2970/2, 707/1) K.O. Vrapčići, Grad Mostar. Na ovoj plohi se prestao odlagati otpad početkom 2019. godine (dokaz: (inspekcijski nalaz br. UP1-10-23-3-06988/2018-1006-4-P od 15.4.2019. godine), a za istu su izdate okolišne dozvole br. UPI/05-23-94-4/07 dana 08.6.2009. godine i broj: UPI 05/2-23-11-47-2/14 SN dana 17.9.2014. godine (dokaz: Zahtjev za izdavanje okolinske dozvole, strana 59, "Zagrebinspekt d.o.o. Mostar, lipanj/juni 2014. godine).

Uz zahtjev je dostavljena sljedeća dokumentacija:

1. Rješenje o upisu u sudski registar - JP DEPONIIJA doo Mostar
2. ID broj - JP DEPONIIJA doo Mostar
3. PDV broj - JP DEPONIIJA doo Mostar
4. Izmjene i dopune Prostornog plana Općine Mostar - JP DEPONIIJA doo Mostar
5. Kronološki popis dozvola i rješenja za rad deponije
6. Uporabna dozvola FAZA I, tijelo deponije, od 10.04.2019. , Ministarstvo graditeljstva i prostornog uređenja HNŽ/K
7. Uporabna dozvola FAZA II, tijelo deponije, od 07.12.2018. , Ministarstvo graditeljstva i prostornog uređenja HNŽ/K
8. Okolišna dozvola, Federalno ministarstvo okoliša i turizma, od 17.09.2014.
9. Vodna suglasnost , Faza I, Agencija za vodno područje Jadranskog mora, od 23.12.2015.
10. Vodna suglasnost , Faza II, Agencija za vodno područje Jadranskog mora, od 11.07.2018.
11. Vodna suglasnost , Faza III, Agencija za vodno područje Jadranskog mora, od 11.07.2018.
12. Izvještaj o količinama deponiranog otpada za 2015. godinu, od 17.05.2016.
13. Izvještaj o količinama deponiranog otpada za 2016. godinu, od 13.02.2017.
14. Izvještaj o količinama deponiranog otpada za 2017. godinu, od 05.04.2018.
15. Izvještaj o količinama deponiranog otpada za 2018. godinu, od 28.01.2019.
16. Naslovne stranice izvještaja o izvršenim mjerenjima PROCJEDNE VODE IZ LAGUNE prema okolišnoj dozvoli, za protekli period - sva mjerenja vršio je ZAGREBINSPEKT d.o.o. Mostar,
17. Naslovne stranice izvještaja o izvršenim mjerenjima SEPARATOR I BIOJAMA prema okolišnoj dozvoli, za protekli period - sva mjerenja vršio je ZAGREBINSPEKT doo Mostar,
18. Naslovne stranice izvještaja o izvršenim mjerenjima VODE RIJEKE NERETVE prema okolišnoj dozvoli, za protekli period - sva mjerenja vršio je ZAGREBINSPEKT doo Mostar,



19. Naslovne stranice izvještaja o izvršenim mjerenjima KVALITETE ZRAKA prema okolišnoj dozvoli, za protekli period - sva mjerenja vršio je ZAGREBINSPEKT d.o.o. Mostar,
20. Naslovne stranice izvještaja o izvršenim mjerenjima DNEVNE I NOĆNE BUKE prema okolišnoj dozvoli, za protekli period - sva mjerenja vršio je ZAGREBINSPEKT doo Mostar,
21. Naslovne stranice izvještaja o izvršenim mjerenjima VODE IZ PIEZOMETARA prema Okolišnoj dozvoli, za protekli period - sva mjerenja vršio je ZAGREBINSPEKT d.o.o. Mostar,
22. Naslovne stranice izvještaja o izvršenim mjerenjima SASTAVA DEPONIJSKIH PLINOVA prema okolišnoj dozvoli, za protekli period - sva mjerenja vršio je ZAGREBINSPEKT d.o.o. Mostar
23. Kopija uplatnice uplaćene federalne takse za izdavanje okolišne dozvole.

Nakon uvida u sadržaj dostavljenog zahtjeva za ponovno izdavanje okolišne dozvole, Zakona o zaštiti okoliša ("Službene novine Federacije BiH", br. 33/03 i 38/09), Zakona o vodama ("Službene novine Federacije BiH br. 70/06) i Zakona o upravljanju otpadom ("Službene novine Federacije BiH", br. 33/03, 72/09 i 92/17) i Zahtjev za izdavanje obnovljene okolišne dozvole koji je izradilo konzultant: „OKON“ d.o.o. Mostar utvrđeno je sljedeće:

- ☐ JP Deponija d.o.o. Mostar je prestala odlagati otpad početkom 2019. godine (dokaz: inspekcijski nalaz br. UP1-10-23-3-06988/2018-1006-4-P od 15.4.2019. godine) na plohu površine od 2.1 ha za koju su izdate okolišne dozvole 2009. i 2014. godine, te 09.1.2019. počelo odlaganje na dograđenom dijelu deponije veličine 1ha (tzv. kaseta 2). U skladu sa čl. 56. Zakona o zaštiti okoliša („Službene novine Federacije BiH“, br. 33/03 i 38/09) koji propisuje proceduru provođenja procjene uticaja na okoliš za prekid rada (u konkretnom slučaju prestanak primanja otpada na predmetnoj plohi) J.P. Deponija d.o.o. Mostar dužno je bilo obavijestiti Federalno ministarstvo okoliša i turizma. Također, čl. 68. stav 1. i 5. (Okolišno dopuštenje) Zakona o zaštiti okoliša („Službene novine Federacije BiH“, br. 33/03 i 38/09) propisano je da je cilj izdavanja okolišne dozvole visok nivo zaštite okoliša i da se okolišna dozvola pribavlja i u slučaju značajne promjene u radu postrojenja.
- ☐ Trenutno aktivna ploha na koju je počelo odlaganje otpada 09.01. 2019. godine na novoj površini 0,85 ha (tzv. FAZA II, kaseta 2) na k.č. br. 689/141, 689/139 (696/1, 698/3, 699/3, 706, 705, 700/3, 702/3, 703/3, 2970/2, 707/1 - što odgovara k.č. br. 689/90 i 689/139) K.O. Vrapčići, područje Grada Mostara, nije bila predmetom okolišne dozvole od 08.6.2009. godine, niti okolišne dozvole 17.9.2014. godine. JP Deponija d.o.o. Mostar je bila dužna blagovremeno prijaviti promjenu u radu Federalnom ministarstvu okoliša i turizma koje je dužno postupiti u skladu sa čl. 56. Zakona o zaštiti okoliša („Službene novine Federacije BiH“, br. 33/03 i 38/09) koji propisuje proceduru provođenja procjene uticaja na okoliš za rast upotrebe energije, korištenja vode, korištenja prostora, emisija ili proizvodnje otpada veći od 25% (ili rast veći od 25% u posljednjih 10 godina), te za prekid rada i rušenje pogona i postrojenja.
- ☐ Na str. 32. Zahtjeva za za izdavanje obnovljene okolišne dozvole, maj 2019., OKON d.o.o. Mostar stoji sljedeće „Tijekom 2017. godine uprava JP DEPONIJA je i provela postupak nabave, nakon koga je urađen Glavni projekt dogradnje i sama dogradnja tijela deponije II na novih cca 0,85 ha korisne površine odlaganja. To je urađeno na lokaciji bivše kompostane (po prvobitnom projektu deponije) u krugu prostora koji je rezerviran za JP DEPONIJA doo Mostar.“, što znači da je došlo i do drugih promjena u radu o kojem Federalno ministarstvo okoliša i turizma nije bilo obaviješteno.
- ☐ Odlukom o pristupanju izradi izmjene i dopune Prostornog plana Općine Mostar („Službeni glasnik Grada Mostara broj 13/07) prostor za izgradnju/proširenje deponije planiran je na parcelama: k.č. br. 698/3, 696/5, 706, 708, 699/3, 706, 700/3, 705, 702/3, 703/3, 696/1, 707/2, 707/1, 729, 730, 741, 728, 727, 716, 714, 715, 723, 712, 713, 722, 711, 721, 709, 717, 718, 710, 724, 720, 725, 719, 726, 742, 849/1, 848, 847, 747, 743/2, 743/1, 744, 762, 769, 763, 770/2, 770/3, 770/1, 771, 773/1, 773/2, 704, 775, 777, 779, 774, 782, 785, 784, 783, 792, 790, 793, 791, 799, 748, 761, 760, 764, 765, 755, 772, 773, 798, 739, 740 K.O. Vrapčići i k. č. br. 2124, 1996, 1997 K.O. Kutilivač. Bez obzira na planirani prostor, izdavanje okolišne dozvole kojom se propisuju mjere i uslova zaštite okoliša, monitoring i izvještavanje vrši se sukladno Zakonu o zaštiti okoliša ("Službene novine Federacije BiH"; broj: 33/03 i 38/09), Zakona o upravljanju otpadom ("Službene novine Federacije BiH" broj: 33/03 i 72/09 i 97/17) i podzakonskim aktima koji iz njih proizilaze.



Osim navedenog utvrđeno je da:

- ☐ Iako postoje tehnički uslova za izdvajanje sekundarnih sirovina iz mješanog komunalnog otpada kao što su: papir, karton, kompozitni materijali, staklo, metal, PET, plastične kese i tvrda plastika, aktivnosti na njihovom izdvajanju na regionalnoj deponiji se ne vrše.
- ☐ Na deponiji se, zajedno sa kućnim otpadom, odlaže i otpad koji nema karakteristike kućnog otpada i koji zahtjeva posebna odlagališta kao što su animalni otpad i druge vrste otpada koje nemaju karakter krutog komunalnog otpada.
- ☐ U Zahtjevu za izdavanje okolišne dozvole iz maja 2019. godine, str. 78., navedena je namjera da se na regionalnoj deponiji izgradi postrojenje za tretman procjednih voda. U tu svrhu pribavljen je vodni akt – vodna saglasnost broj: UP/40-1/25-3-76/18 od 11.7.2018. godine od Agencije za vodno područje Jadranskog mora, Mostar, ali o namjeri realizacije Faze III - izgradnja pročištača procjednih voda sa deponije J.P. Deponija d.o.o. Mostar nije obavijestilo Federalno ministarstvo okoliša i turizma.
- ☐ Na regionalnoj deponiji ne postoje postrojenja za obradu komunalnog otpada, a time i proizvodnju alternativnih goriva iz otpada, komposta, aktivnu proizvodnju energije iz deponijskog plina itd.
- ☐ Okolišnom dozvolom od 17.9.2014. godine propisano je da se na JP Deponija d.o.o. Mostar, na lokaciji Buđevci, Vrapčili može zbrinjavati samo kruti komunalni otpad. Specijalni otpad kao posebno opasan za okoliš, prema podacima iz Zahtjeva za izdavanje obnovljene okolišne dozvole, str. 107, maj 2019., OKON d.o.o. Mostar, koji je zabranjeno zbrinjavati na regionalnoj deponiji, može se naći na lokalitetu odlagališta u što spadaju: bolnički i sanitarni otpad, ostaci uginulih životinja, talozi boja i lakova, otrovni otpaci, zapaljivi materijali, otpaci od galvanizacije i elektrolize, otpaci od masovnog uzgoja i prerade stoke, otpadni muljevi i talozi iz različitih uređaja za čišćenja otpadnih voda, naročito industrijskih otpadnih voda, specifični otpaci iz proizvodnje i potrošnje, koji sadrže veće koncentracije po okoliš opasnih tvari. Ovakve vrste otpada su planirane za razdvajanje u sortirnici, te smještanje u eko-kontejnere do njihovog konačnog zbrinjavanja od strane ovlaštenih Institucija, što znači da se to trenutno ne radi.
- ☐ Opasan otpad je zabranjeno zbrinjavati na regionalnoj deponiji krutog komunalnog otpada. JP Deponija d.o.o. Mostar bila je dužna uspostaviti evidenciju o vrstama i količinama otpada koje će ažurirati na mjesečnom nivou u skladu sa Pravilnikom o kategorijama otpada sa listama („Službene novine Federacije BiH“, broj 9/05), čime bi se utvrdio sadržaj otpada koji se dovozi na Deponiju d.o.o. Mostar, međutim ta evidencija ne postoji (Rješenje Federalne uprave za inspekcijske poslove UP1-10-23-3-03979/2019-1006-2 od 11.6.2019. godine).

Federalno ministarstvo okoliša i turizma se obratilo i Federalnoj upravi za inspekcijske poslove sa upitom o inspekcijskom nadzoru i dobilo odgovor br. 10-23-4-02929/2019-1006-2 od 26.6.2019. godine i to:

- Zapisnike od 15.4.2013. godine, 27.10.2015. godine, 04.2.2016 godine, 24.10.2018. godine, 15.4.2019. godin i 28.5.2019. godine
- Rješenja za izvršenje mjera od 05.11.2015 godine, 31.10.2018. godine i 11.06.2019. godine.

Iz inspekcijskih nalaza je evidentno da je:

- Inspekcijski nadzor izvršen dana 05.11.2015. godine izvršen po predstavi građana – mještana Vrapčica i Kutilivača dana 21.9.2015. godine, Grada Mostar – Odjel za gospodarstvo, komunalne i inspekcijske poslove aktom broj: 08/3-25-11794/15 od 08.10.2015. godine i dopisu Federalnog ministarstva okoliša i turizma akt broj: UPI 05/2-23-5-69-1/13 SN od 09.10.2015. godine, koji su proslijeđeni Federalnoj upravi za inspekcijske poslove na nadležno postupanje, kojim je konstatovano sljedeće:
  - Neugodni mirisi i mnoštvo ptica koje kruže iznad otvorenog tijela deponije,
  - Dio deponije na kojem se vrši dnevni dovoz i odlaganje stoji otkriven i predstavlja izvor širenja neugodnih mirisa,
  - Otpad je nedovoljno selektiran prije samog odlaganja,
  - Dnevno se na deponiju dovozi 140 t komunalnog otpada od čega 40% građevinskog, animalnog i drugih vrsta otpada, jer bi propuštanje navedenih količina otpada kroz tehnološki postupak selektiranja na selektirnici doveo do oštećenja poluautomatske



linije za selektiranje, što se i dešavalo nekoliko puta, tako da je rad selektivnice nije moguć u skladu sa njenom namjenom,

- Od 01.9.2015. do dana nadzora 05.11.2015. godine nije izvršeno niti jedno mjerenje emisija u okoliš propisano Tačkom 8. okolišne dozvole i nije dostavio izvještaj za registar zagađivača za 2014. godinu.

Deponija je počela primati otpad 01.9.2015. godine, a predstavka mještana datira 20 dana poslije početka rada, a inspekcijski nalaz dva mjeseca poslije, što znači da je deponija od početka primanja otpada kršila standarde zaštite okoliša i upravljanja otpadom na okolišno prihvatljiv način.

Federalni inspektor zaštite okoliša je vršio inspekcijski pregled dana 04.02.2016. godine na Regionalnoj deponiji komunalnog krutog otpada kojom upravlja „JP DEPONIJA,, d.o.o. Mostar kojom prilikom je utvrdio:

1. Prekršaj zbog neizvršenja mjera naloženih u prethodno naloženom rješenju od 05.11.2015. godine i to: nije poduzela mjere i aktivnosti u cilju nastanka širenja neugodnih mirisa iz tijela deponije provođenjem operacija propisanih tehnologijom sanitarnog deponiranja potpunijim selektiranjem primljenog otpada na poluautomatskoj liniji za sortiranje, pohranjivanje otpada koji se dalje može reciklirati, u tijelo deponije i prekritivanju inertnim materijalom. Potpunije selektiranje je otežano zbog čestih kvarova poluautomatske linije za selektiranje otpada koji nastaje uslijed odvoza otpada koji nasatje uslijed odvoza otpada koji nije predviđen kroz stroj za reciklažu (kabasti otpad, građevinski otpad, betonski otpad i sl.),
2. Prekršaj zbog neizvršenja mjere dnevnog prekrivanja otpada nanošenjem dnevnog prekrivnog sloja na način i u debljini kako je propisano tačkom 4. okolišne dozvole (15 cm)

Dana 24.10.2016. godine federalni inspektor je utvrdio:

- Prekršaj zbog neispunjavanja svih mjera iz okolišne dozvole tj. ne poštuje se osnovni princip rada na deponiji koji se bazira na selektiranju primljenog otpada na poluautomatskoj liniji, te opisan način i funkcija dnevnog prekrivanja.
- Prekrivanje deponovanog otpada na dnevnoj bazi se vrši, ali u nedovoljnoj debljini sloja prekrivke, te su na ogradi deponije i lokacijama u neposrednoj blizini deponije vidljive PVC kese. Ispitivanja procjednih voda koje je izvršila konsultantska kuća Zagrebinspekt d.o.o. Mostar dana 10.9.2018. godine, u zaključku stoji „Vrijednosti KPK, BPK5, te koncentracija amonijaka, ukupnog dušika, ukupnog fosfora, ulja i masti, deterdženata, bakra, željeza, kroma, kadmija, nikla, olova i ukupnog organskog ugljika ne zadovoljavaju kriterije efluenta za površinske vode u sustav javne kanalizacije. Koncentracija suspendiranih tvari ne zadovoljava kriterije efluenta za površinske vode. Ukupna količina taložnih tvari ne zadovoljava, kao ni vrijednost testa toksičnosti ne zadovoljava kriterije efluenta za površinske vode. Otpadna voda iz lagune se ne ispušta već se primjenjuje proces recirkulacije dok se ne izgradi prečištač procjednih voda.

Dana 15.04.2019. godine federalni inspektor je utvrdio:

- Završeno odlaganje na tzv. kaseti 1. Na dan nadzora, ovaj dio deponije nije bio prekriven završnim slojem u debljini sloja propisanog okolišnom dozvolom.
- Operator 09.01.2019. godine počeo odlagati otpad na dograđenom dijelu regionalne deponije čvrstog otpada Uborak – Buđevci Mostar veličine 1 ha (tzv. kasetu 2), u skladu sa Odlukom o stavljanju u upotrebu broj: 1377/18 – DP od 27.12.2018. godine. Napomenuto je u inspekcijskom nalazu da mjere iz rješenja federalnog inspektora vrijede i za ovaj dograđeni dio od 1 ha (tzv. kasetu 2).

Na temelju predstavke Eko-udruga EKO Vrapčići koju je Federalno ministarstvo prosljedilo na nadležno postupanje Federalnoj upravi za inspekcijske poslove u kojoj se navodi „da su na lokaciji deponije kamioni preduzeća PARKOVI iz Mostara ilegalno dovezli i deponovali oko 5 t otpadnog mulja koji potiče iz Prečištača otpadnih voda u Mostaru, federalni inspektor zaštite okoliša je izvršio inspekcijski pregled dana 28.05.2019. godine na Regionalnoj deponiji komunalnog krutog otpada kojom upravlja „JP DEPONIJA“ d.o.o. Mostar i tom prilikom utvrdio nekoliko prekršaja, te da operater nije ispunio sve mjere iz okolišne dozvole.

1. U vrijeme inspekcijski nadzora na lokaciju deponije doveženo ukupno 6,3 t otpada koji je Vagarskim listom klasificiran kao K3-Komunalni otpad sa rešetaka kolektora. Ovaj otpad je



dovezao kamion firme JP PARKOVI MOSTAR po narudžbi Grada Mostara - Odjel za privredu, komunalne i inspekcijske poslove. Obilaskom tijela deponije i uvida o otpadu koji je dovežen, konstatovano je da se ne radi o komunalnom otpadu sa rešetaka kolektora već je taj otpad dehidrirani mulj sa prečištača otpadnih voda. Prijem ove vrste otpada je izvršen bez otpremnice u kojoj treba da stoji o kojem otpadu se radi, bez šifre otpada prema Katalogu otpada sa listama sukladnu Pravilniku o kategorijama otpada, bez prethodno izvršene analize mulja — obzirom da se radi o mulju, a ne o komunalnom otpadu sa rešetaka kako je to navedeno u Vagarskom listu.

2. Obzirom da ogradom nije razgraničena lokacija stare deponije komunalnog otpada „Uborak” kojom je nekada upravljao operator JP UBORAK d.d. Mostar, to je inspektor obišao i lokaciju te deponije i konstatovao da je obodni kanal oko deponije zatrpan sadržajem deponije tj. komunalnim otpadom, te da je voda vidno zamućena i crne je boje. Kanal se preljeva preko zemljanog protupožarnog puta oko deponije i odlazi nekontrolisano.
3. Na lokaciji Rasoje kroz koju protiče potok Sušica na udaljenosti od cca 300 m od kapije operatora, utvrđeno je da je voda na tom mjestu zamućena, tamne je boje i onečišćena je velikom količinom komunalnog otpada koje je na toj lokaciji neovlašteno deponovan od nepoznatih lica. Inspekcijskim nadzorom je konstatovano da otpad sa ovog mikrolokaliteta - Rasoje ne potiče od deponije kojom upravlja JP DEPONIJA, niti sadržaj vode koji je evidentiran na ovom mjestu ne potiče iz postrojenja deponije.
4. Procjedne vode sa tijela deponije se skupljaju u lagunu otvorenog tipa, te se recirkulacijom (pumpama) vraćaju na tijelo deponije. Laguna je izolovana, nema ispusta u okoliš. Glavnim projektom za deponiju predviđena je izgradnja postrojenja za prečišćavanje otpadnih voda (buduća FAZA III), ali to postrojenje još nije izgrađeno.
5. Na lokaciji deponije nalazi se i separator ulja i masti koji odvaja zauljenu vodu sa manipulativnih asfaltiranih površina. Od momenta kada je deponija započela rad, operator nije vršio pražnjenje sadržaja separatora.

Na osnovu izloženog, ovo Federalno ministarstvo je ocijenilo da nisu ispunjeni uvjeti u smislu čl. 56. i čl. 86. Zakona o zaštiti okoliša, te da nije ispunjen zakonom utvrđeni preduvjet za dobijanje okolišne dozvole sukladno čl. 68. stav 1. i 5. Zakona o zaštiti okoliša, te je odlučeno kao u dispozitivu ovog rješenja.

Ovo rješenje je konačno i protiv njega nije dopuštena žalba.

Protiv ovog rješenja može se pokrenuti upravni spor podnošenjem tužbe kod Kantonalnog suda u Sarajevu u roku od 30 dana od dana prijema rješenja. Tužba se podnosi u dva istovjetna primjerka i uz istu se prilaže ovo rješenje u originalu ili ovjerenom prijepisu.

U skladu sa Zakonom o federalnim upravnim taksama i tarifi federalnih upravnih taksi (Službene novine Federacije BiH broj: 43/13) podnosilac zahtjeva je uplatio 250,00 KM na budžetski račun kod UNION banke d.d. Sarajevo.

MINISTRICA

Dr. Edita Đapo

Dostaviti:

- J.P. Deponija d.o.o. Mostar
- Federalna uprava za inspekcijske poslove
- Gradska uprava Mostar
- Ministarstvo trgovine, turizma i zaštite okoline HNK
- Ministarstvo graditeljstva i prostornog uređenja HNK
- Federalno ministarstvo poljoprivrede, vodoprivrede i šumarstva
- MZ Vrapčići
- Dokumentaciji
- arhivi